



Hurriyat

Mustaqil gazeta

2024-yil
28-fevral
chorshanba
№ 9 (1384)

Gazeta 1996-yil dekabr dan chiqa boshlagan * www.uzhurriyat.uz * @ gazhurriyat@mail.ru * t.me/hurriyatuz * f Hurriyat gazetasi

БУГУННИНГ ГАПИ

Ошкоралик, ҳаётнинг барча соҳалари шаффоф бўлиб бораётганининг яна бир далили: бугун ижтимоий тармоқлар орқали анча-мунча каттаю кичик олди-сотдилардан хабардор бўлишимиз оддий ҳолатга айланди. Тунов кунининг нарх-навосини билмоқчи бўлиб, "OLX" деган онлайн бозорга кирдим. Ҳа-а, кейинги пайтларда уй-жойларнинг баҳоси анча кўтарилгани ҳақида эшитганларим исботи шу ерда экан. "Бизларга боп нархлардаги уйлар ҳам кам эмас. Лекин мана бу 300000, 400000, 500000 АҚШ долларига нархланганларига йўл бўлсин?.." деган ҳаёл билан кузатарканман... "Ия, ҳовли-жойларнинг 800000, 900000 АҚШ долларига сотиладиганлари ҳам бор экан-ку!"

Сал ўтмай, бу хайратим янги рақамларнинг чангида қолиб кетди: АҚШ долларига кўрсатилган 1 миллион, 3 миллион... ҳатто 10 миллион АҚШ доллари ва ундан баланд нарх кўйилган саройсимон ҳовлилар бир эмас, бир нечталаб чиқа бошлади. Уртада шайтон бор-да: "Мустақилликкача бўлган даврда ҳам, ундан кейин ҳам бундай данғиллама кошоналар қуриб олиш учун қанча маош олиб ишлаш керак бўлардикин? Яна бу сотилаётган жойлар эгалари кўчада яшамайдик-ку. У хонадони ҳам эл қатори бўлмас керак?" деган фикрларни дилимда айланттира бошлади. "Йўқ, бировнинг чўнтагини қовлаш яхши одат эмас. Нима бўлса ҳам, Аллоҳ ҳалолдан берган бўлсин. Жамиятда бойлар қанча кўп бўлса, шунча яхши!" деб ўзимни тергадим.

Ҳақиқатан ҳам, жамиятда бой-бадавлатлар қанча кўп бўлса, турмуш — фаровон, юрт — обод. Ҳамма ўзига тинч яшаса-ю, эҳтиёжманд бўлмаса, қандай яхши! Шу яхшиликнинг моҳияти ҳақида ўз ақли идроким етганича мулоҳаза юрита бошладим. Шунда лоп этиб Рамазон ойида қўлидаги бойлиги маълум нисобга етган одамларнинг эҳтиёжмандларга закот бериши фарзлиги ёдимга келди. Ибн Обиддиннинг фикрига бағишланган "Раддул мухтор" китобида за-



ҚАЛБИ БОЙ, ИЛКИ БАДАВЛАТЛАР КЎПАЙСИН

кот тўлашда кишининг ўсиб турувчи ёки фойда келтирувчи моли 20 динар олтин ёки 200 дирҳам қумуш миқдорига етиб, бир йил давомида шундай турган бўлиши; бу тахминан 85 грамм тилла ёки 595 грамм қумушга тўғри келиши, айни миқдорнинг қирқдан бири закот сифатида берилиши кераклиги ёзилган. Шунингдек, тилла, қумуш ва чорва молларидан бошқасида ҳам тижорат нияти билан бўлса, закот берилади ва шарти шуки, ақд қилаётганида тижоратни ният қилиш кераклиги белгилаб қўйилган бўлсин. Демак, уй-жой, ҳовлиларни ҳам тижорат қилиш ниятида қурган одамлар қурилишга кетган харажатлари нисобидан закот беришлари фарздир. Бейхитёр уйладим, уй-жой мулкани 4000000 (тўрт миллион!) АҚШ долларига нархлаган одам берадиган закотини 10000 ёки 5000 дан тақсимласа ҳам, бир нечта эҳтиёжманд оила баҳраманд бўлиши мумкин экан (агар бу оилалар ўша маблагни фақат еб-ичишга сарфламай, қаловини толиб тадбиркорликми, хунармандчиликми йўлга қўйса-

лар, камбағалчиликдан чиқиб кетишлари ҳам мумкин). Ҳазрат Алишер Навоий айтганларидек:

Кимки бир кўнгли бузғунинг хотирин шод айлагай, онча борким, Каъба вайрон бўлса обод айлагай.

Улуғ файласуф, шоир, давлат арбоби бу даъватларига, аввало, ўзлари ибрату ўрнак билан "Лаббай" деганлар. Тарих китоблари далолат қилишича, ўша даврнинг энг бой одамларидан бўлган Алишер Навоийнинг жуда кўп боғ-роғлари, узумзор ерлари, бозорлар расталарида қатор дўконлари бўлган. Булардан келадиган даромаддан юзлаб одамларга ош-нон, кийимлар, эҳсонлар қилишлари кундалик анъанага айланган; мадраса талабалари хотиржам илм олишлари, мударрислари ҳаёт ташвишларига чалғимай астойдил илм беришлари учун уларни иқтисодий жиҳатдан таъминлаганлар. Мадрасалар, юзлаб кўприклар, рабоблар, юзлаб хайрия-эҳсон уйлари қурдирдилар... Эҳҳе, Навоий саховати баёни саҳифа-

ларга сиғмайди. Чунки Алишербек Саб-завор шахрига ҳоким бўлган отаси Ғийосиддин кичкинадан қолган меросни, ўзи топган маблагни, ҳукмдор Ҳусайн Бойқаро инъом этган ер-суви тадбиркорлик билан боғу роғлар яратишга, ундан келадиган даромадни маданий-маиший иншоотлар қуришга, қишлоқларни боғларга айланттиришга, хайрия ишларига, илму маърифат ривожига сарф этгани учун давлатига давлат қўшилди, мулкидан баррака аримади. У зоти бобаракот бир неча марта тайёргарлик кўрган бўлсалар-да, давлат ва халқ ишларидан ортиб Ҳаж ибодатига боролмадилар, Каъбаи мукаррамани кўришга зор бўлиб ўтдилар. Аммо юзлаб бузуғ кўнглиларни шод этиш баробарида юзлаб Каъбани обод этмоқнинг сабовига мушарраф бўлган эсалар, иншооллоҳ!

Жамиятда бойлар қанча кўп бўлса, шунча яхши эканининг хайрли оқибат-фазилатларидан бири шу бўлса керак-да! **2-6.**

ДАЪВАТ

НОНУШТА ВА ГАЗЕТА

Туркия ва дунёнинг бошқа кўплаб юртларида одамлар нега эрта тонгни газета уқиш билан қарши олишади?



Жамият аъзоларининг бир-бирига ўзаро ҳурмати бўлмаса, аравани қуруқ олиб қочиш кўпаяди. Ваъда берилади, бажарилмайди.

Аммо бу энди Сирдарё вилояти ҳокимлиги муассислигидаги "Янги Сирдарё" ва "Новая Сырдарья" газеталарига тааллуқли эмас, деб айта оламиз. Чунки вилоят ҳокими Акмалжон Маҳмудалиев бугун одамларимиз ижтимоий тармоқларга қанчалик ружу қўямасин, жамият ҳаётида газеталарнинг муносиб ўрни борлигини алоҳида таъкидлаб келади.

Шу сабабдан ҳам бугун "Янги Сирдарё" ва "Новая Сырдарья" газеталари у кишининг кўмагида қаддини тиклаб бормоқда. Таҳририят биноси таъмирланиб, янги қиёфа касб этганлиги, замонавий янги компьютер, совутич ва бошқа техника жиҳозлари учун маблаг ажратилгани биз — журналистларни қувонтирди. **3-6.**

МУШОҲАДА



ҲАЛИ ҲАМ КЕЧ ЭМАС!

Дунё журналистикасининг тамал тоши ҳисобланган газета тушунчасига ортиқча изоҳнинг кераги йўқ. Мен шартли равишда дунё журналистикаси, деб атадим. Аслида, бутун инсоният тафаккурининг намоиши қадим-қадимдан айнан қозғошда акс этган. Кейинчалик ана шу қозғошлар шакл-шамойили такомиллашиб, биз бугунги кунда газета деб атайдиган мўъжизага айлангани ҳам жуда катта сир эмас (ки-тоб ҳам ана шундай мўъжиза, албатта). Тарихда давлат ва жамият муносабатлари газетанинг ибтидоий ҳолатида "фалон давлатда бу мана бундоқ қозғош қурилишида баён қилинган, фалон давлатда эса мана бундоқ баён қилинган", дея қандай равшан ҳақиқатни ёқа йиртиб исботлашга тоқатим йўқ. Аммо газета нима учун бизга кераклиги ҳақидаги ўз мулоҳазаларимни билдирдим. **4-6.**

ЎТМИШ САБОҚЛАРИ

ТАЪЛИМ ТИЗИМИДАГИ МУАММОЛАР ИЛДИЗИ ҚАЕРДА?

Мактаб таълимини ривожлантириш умумхалқ ҳаракатига айланиши зарур! Келажак авлодимиз тақдир, бутун миллатимиз, халқимиз, давлатимиз тақдир муҳтарам муаллимларга боғлиқ.

Шавкат МИРЗИЁЕВ

Ўтган асрнинг бошида 72 кун яшаган Туркистон Мухторияти ҳукумати аъзоси, маориф вазири Носирхон тўранинг бир неча бор қамоққа олиниши ва сургун қилиниши қисматини эслайлик. 1925 йил Носирхон тўра "Советларга қарши сиёсий фаолият олиб боргани учун" деган сохта айблов ва тўхматлар билан (1928 йилгача) Оренбургга сургун қилинганини инкор этиб бўлмайди. Шўро ҳукумати томонидан қўлга олинган Носирхон тўра 1930 йил 27 ноябрда СССРнинг давлат хавфсизлиги бўйича махсус органи қарори билан отишга ҳукм қилинади. Шунингдек, Носирхон тўра билан бирга кўплаб унинг сафдошлари ва шогирдларига ҳам ўлим жазоси берилган. Чунки Носирхон тўрадан таълим олган кўплаб ёшлар улғайгач, ўзлари ҳам мактаблар очиб, ёш авлодни илмли қилиб тарбиялашга уринишган.

Носирхон тўранинг шогирди, ҳаёти давомида ислом фикри ва тарихига оид 47

та асар ёзган Мубашширхон тўра (1896-1977) мактаблар очган, таъқиб кучайгач, 1930

3-6.

ЭЛ СУВ ИЧГАН ДАРЁЛАР

ҲАССАСИ ГУМЛАГАН ШОИР

ёки биз билган ва билмаган Абдулла ШЕР (Эссе)

Унинг болалиги Тошкент вилоятининг Чиноз туманидаги Йўлтушган қишлоғида ўтган. Отасининг исми Шермухаммад бўлиб, мисгар уста эди. Аслида, мисгарлик ҳам санъатнинг бир турига ўхшайди. Мисгарлик билан моҳир хунармандлар шуғулланадилар. Унинг наздида отасининг узун-узун бармоқлари мис бўюмлар билан суҳбат қураётганга ўхшарди. Шунинг учунмикин, отанинг ишларини кўрган одамлар: "Уста, мисни ҳам гапиртириб юборасиз-да", дер эдилар. Аммо урушдан кейинги йиллар Шермухаммад отанинг ясаган санъат асарларини сотиб олишга одамларнинг унча қурби етмас, шунинг учун уста турли печлар ва уларга мос карнайлар ясаб тиркичилик қилар эди.



Ёз бўйи бу бўюмлар сотилмас, ҳақиқий савдо, асосан, куз ва қиш фаслларида иситкич нарсаларга халқнинг эҳтиёжи ошганда бўлар эди. Устага ўғиллари ёрдам берар, олти яшар Абдулла тунука резгисидан мис ясар эди. Иситкичлар яхши сотилса, бир уюм пул бўларди. Шермухаммад ота пулларнинг асосий қисмини солиққа берар, қолган пул рўзгорга сарф бўларди. Очиги, ўша пайтнинг солиғи халққа жабр бўлиб, хунарманднинг ҳам, тадбиркорнинг ҳам тўқ яшаб бой бўлишига йўл бермас эди.

Йўлтушган қишлоғида атиги иккита дўкон бўлиб, бири Шермухаммад аканики, бири муллоим табиатли Халил аканинг дўкони эди. Бу ҳусусий дўконлар шўро замонининг энг катта душмани эди. Ҳалол рўзгор теб-ра-

тиш учун Шермухаммад аканинг оиласи ҳам чумолидек меҳнат қиларди. Олти яшар Абдулла ўша қаҳатчилик йиллари тунуканинг резгисидан мис ясайман деб неча марта бармоғини кесиб олгани, аммо акалари ва отасининг бармоқларида ўзиникидан катта жароҳатлар бўлса-да, чидам билан ишлаётганини кўриб, тишини тишига босганча мис ясаганлари ёдида. Бошқа илоҳий йўқ эдиям-да. Лекин ўша пайтлар одамларда шукроналик кўп ва ҳў бўлган экан. Бир-бириндан нарсаси қизганишмас, уруш тугаганига, уйлarga қора хатлар келмаётганига хурсанд эдилар. Ҳали мамлакат электрлаштирилмаган, лекин тунчиқроқлар ёруғида китоблар ўқилар, дуторлар чалиниб, дostonлар, доиралар чертилиб, лапарлар айтилар, момолар лабидан

чанқовулар ноласи кўнгил кенгликларининг энг сирли жойларига бориб акс-садо берарди. Дарвоқе, уста Шермухаммад ҳам жўжабирдай жон бўлишига қарамай, атайин бир дуторчини толиб шогирд тушади ва қисқа вақтда миллий куйларни маромига етказиб чала бошлайди. У чалган тароналар овозаси кўни-кўшни, маҳаллау гузардан ошиб, Тошкент радиосигача етиб борибди.

1948 йилда уларнинг уйига радиодан келган мутахассислар: "Уста, бизга бир дутор ча-либ берсангиз", деган илтимос билан устанинг маҳоратини синаб кўришди. Куй оҳангига сел бўлган меҳмонлар мақсадга кўчиб: "Бизнинг муслиқий жамоамизга сиздек дуторчи жуда керак. **5-6.**

ТАЪЛИМ

ИННОВАЦИЯЛАРНИНГ АСОСИЙ ДРАЙВЕРИ



Янги Ўзбекистонимизда таълим-тарбия борасида амалга оширилаётган ислохотлар ҳақида сўз кетганда, аввало, шуни алоҳида эътироф этиш керакки, педагогларимиз, устозларимизга алоҳида эътибор қаратилаётганининг ифодаси сифатида қабул қилинган Ўзбекистон Республикасининг "Педагогнинг мақоми тўғрисида"ги Қонуни барча юртдошларимизни чексиз қувонтирди. Чунки ҳар биримиз педагогдан таълим-тарбия олганмиз, уларнинг машаққатли меҳнати, ҳаёти билан яқиндан танишмиз. Шу пайтгача педагогларимиз — ўқитувчиларимизнинг меҳнат фаолияти учун меъёрий ҳужжатлар — дастурлар, режалар мавжуд бўлган, лекин махсус Қонун ишлаб чиқилмаган эди. Мазкур Қонунда педагогнинг касбий фаолияти амалга оширилишини таъминлаш, уларни қайта тайёрлаш ва малакасини ошириш, аттестациядан ўтиши ва малака тоифаси олиши, унинг меҳнатига ҳақ тўланиши, рағбатлантирилиши, ижтимоий ҳимояси, ҳуқуқлари тўла-тўқис белгилаб берилган. Адолат мезонлари асосида қабул қилинган Қонунда педагог этика қоидаларига амал қилиши ва унинг зиммасидаги мажбуриятлар ҳам батафсил кўрсатиб қўйилган. Сабаби бугун — глобаллашув даврида, дунёда меҳр-оқибат танқис бўлиб бораётган, ўзаро низолар кўлами кенгаётган пайтда педагогнинг зиммасида жуда масъулиятли вазифа — келажакимиз ворисларини маънавий етуқ, ватанпарвар, комил инсонлар қилиб тарбиялаш вазифаси турибди. Бу вазифа эса педагогика институтлари учун бир неча баробар масъулиятлироқдир.

Чунки педагогика институтлари нафақат ёшлар, балки эртага мактабларга борадиган, ёш қалбларга меҳр улашиш вазифасини зиммасига оладиган бўлғуси педагоглар тарбияланади. Шунинг учун ҳам Андижон давлат педагогика институтлари ёшларнинг маънавий камолотига алоҳида эътибор қаратилмоқда. 2023 йил давомида талабаларни 5 муҳим ташаббус доирасидаги спорт мусобақалари, интеллектуал танлов ва ўйинлар ҳамда маънавий-маърифий тадбирлар, учрашувларга жалб этиш бўйича олий таълим масканимиз миқёсида 900 дан ортиқ тадбирлар ўтказилди. Талабалар ўртасида маданий ишлар, концерт, китобхонлик, кино, театр, музей ва шу каби тадбирларни ташкил этиш бўйича ўқув йили давомида 250 дан ортиқ танловлар ташкил қилиниб, ушбу танловларда голиб бўлган 567 нафар тала-

бўйича жаҳон чемпионатида институт талабаси Илёмбек Ёқубжонов фахрли 1-ўринни эгаллади.

Қозғистон Республикаси Туркистон шаҳрида ўтказилган "2-Туркий Универсиада"сида спортнинг эркин кураш тури бўйича талабамиз Хусанбой Усмонов фахрли 2-ўринни эгаллади. Бангладешда қизлар ўртасида волейбол спорт тури бўйича ўтказилган Марказий Осиё чемпионати мусобақасида Ўзбекистон терма жамоаси сафида институтимизнинг Жисмоний маданият факультети талабаси Хуморой Ҳасанова, Гулёра Абдурахмонова, Зайнабхон Олимова-лар иштирок этишди ва фахрли 3-ўринни кўлга киритдилар.

Институтимиз талабалари республика-мизда ўтказилган "Беш ташаббус олимпиа-даси"да фаол иштирок этишди ва спортнинг



тут профессор-ўқитувчилари томонидан 20 та доцентлик ва 2 та профессорлик илмий унвонлари ҳамда 13 та (PhD) ва 1 та фан доктори (DSc) илмий ишлар ҳимояси бўлиб ўтди.

Институтда факультет ва кафедралар қошидаги илмий тадқиқот марказлари фаолиятини янада такомиллаштириш мақса-дида "Педагогик-илмий тадқиқотлар", "Психологик хизмат", "Лингвистик тахрир хизмат маркази", "Форсайт маркази", "Ижтимоий соҳа илмий-тадқиқот маркази" каби илмий тадқиқот марказлари фаолият юритмоқда.

Глобаллашган дунёда ҳар қандай олий таълим муассасасининг ўқув ва илмий салоҳиятини, рақобатбардошлигини оширишда самарали халқаро ҳамкорлик алоқалари янада долзарб ҳисобланади. Бундан ташқари, олий таълимда халқаро ҳамкор-лик инновацияларнинг асосий драйвери деб эътироф этиш мумкин. Ўзбекистон Республика-си Президенти қарориди белгиланган ва-зифалар ижросини таъминлаш мақсадида институт профессор-ўқитувчилари Россия, Финляндия, Хитой, Қирғизистон давлатла-ридаги 10 дан ортиқ хорижий ОТМлар билан меморандум ва ҳамкорлик шартномалари имзолаган ва самарали ҳамкорлик алоқалари-ни ўрнатди. Халқаро ҳамкорлик, асосан, институт профессор-ўқитувчиларини хори-жий ОТМларга қисқа муддатли стажировка-ларга юбориш, хорижий профессор-ўқитув-чиларни ўқув машғулотирига жалб қилиш, ҳамкорликда илмий конференциялар ўт-казиш ва илмий мақолалар чоп этиш йўна-лишларида йўлга қўйилган. Айни шартно-малар доирасида институтда бир қатор халқаро илмий конференциялар ўтказилди. Ушбу конференцияларда Ўзбекистон олий таълим муассасалари, илмий тадқиқот ин-ститутлари билан бир қаторда Россия, Фин-ляндия, Қирғизистон давлатлари ОТМлари-нинг етакчи олимлари, профессор-ўқитувчи-лари, соҳа мутахассислари иштирок этди.

Президент қарорига мувофиқ 2023 йил-нинг декабрь ойида институтнинг профес-сор-ўқитувчиларидан иборат ўн кишилик делегация Илмий ишлар ва инновациялар бўйича проректор Б.А.Сирожидинов бош-чилигида Россия Федерациясининг Қозон федерал университетиди малака ошириб қайтдилар. Институт делегацияси дастлаб Андижонда уч ҳафталик онлайн таълим ва Қозон шаҳрида — Қозон федерал универси-тетининг психология ва таълим институтида

бир ҳафталик кундузги дарс форматида "За-монавий муаммолар шариоитида тадқиқот ва касбий компетенцияларни ривожланти-риш" мавзусидаги машғулотларда иштирок этишди.

Алоҳида эътироф этиш керакки, Қозон университети 1804 йилда ташкил этилган, 2010-йилдан Қозон федерал университети (КФУ) деб номланади. Университетда турли даврларда 9 нафар Нобель мукофоти сов-риндорлари ишлаган. Университет Россия-нинг энг йирик шаҳарларидан бири — Қо-зонда жойлашган бўлиб, Европа ва Осиё, христианлик ва ислом ўртасидаги кўприк ҳи-собланади.

Педагог меҳнатининг самараси ўқувчи-ларининг ютуқларида кўринади. Институ-тимиз талабаларининг ютуқлари фахрла-нишга арзийди. Жумладан, тасвирий санъат ва муҳандислик графикаси талабаси Муаз-замой Абдураимова 2022 йилда Ислам Ка-римов номи давлат стипендиясига сазо-вор бўлган бўлса, 2023 йилда у Ўзбекистон Бадиий академиясининг Камолитдин Беҳ-зод номидаги давлат стипендиясига сазо-вор бўлди. 7 нафар талабамиз Президент сти-пендияси ва бошқа номдор стипендияларни олишга лойиқ топилди. Жумладан, Ўзбекис-тон Республикаси Президенти давлат сти-

йўналиши 3-босқич талабаси Зийнатуллоҳ Маматқодиров сазовор бўлди.

Бугун ёшлар янада кучли иштиёқ, улкан ютуқлар орзусида таълим олишмоқда. Чунки педагог кадрлар тайёрловчи олий таълим муассасаси вакили сифатида яна шуни ай-тиб ўтишим мумкинки, "Педагогнинг мақоми тўғрисида"ги Қонун қабул қилиниши на-фақат мактаблардаги ўқитувчиларни, балки бўлғуси ўқитувчиларни — педагогика йўна-лишидаги олий таълим муассасалари тала-баларини ҳам жуда қувонтирди. Қонуннинг 6-моддасида белгиланган педагог ўз касбий фаолиятида замонавий педагогик техноло-гияларни, ўқитиш ва тарбия воситаларини ҳамда усулларини эркин танлаш ва улардан фойдаланиш, муаллифлик дастур ва ўқи-тиш услубларини ишлаб чиқиш ва жор-ий этиш, ижодий фаоллик кўрсатиш, ўқув, илмий ва услубий йўналишлардаги давлат ахборот-ресурс ҳамда ахборот-кутубхона марказларининг хизматларидан бекуп фой-даланиш, инновацияларни ишлаб чиқиш ва жорий этиш, ижодий таътил олиш, таълим олувчиларнинг билимини мустақил баҳолаш каби педагогнинг ҳуқуқлари ўқитувчилик касбига меҳр қўйган ёшларни янада иштиёқ билан, ташаббускорлик, интилувчанлик, таълим-тарбия жараёнига янгиликларни жо-рий этиш билан иш бошлашлари, мактаб-ларга дадил қадамлар билан кириб келиш-



бага институт томонидан фахрий ёрлик, та-шаққурнома, эсдалик совғалари ва пул му-кофотлари берилди.

Талабалар ўртасида суҳбат, учрашув, го-явий тарғибот, викторина, тренинглар доими-и равишда ташкил этилади. Бу учрашувларда 5000 дан ортиқ талабаларимиз иштирок эти-шди. Талабалар ўртасида ўтказилган уч-рашувларда институтнинг "Одоб-ахлоқ ко-декси" ва "Ички тартиб-қоидалари", корруп-цион ҳолатлардан огоҳ бўлиш, экстремизм, ақидапарастлик, "оммавий маданият", ги-ёҳвандлик ҳамда ҳуқуқбузарликларнинг ол-дини олиш мавзулари кенг ёритилиб борил-моқда.

Ёшларимиз қайноқ қалбга эга, ижодга ошно. Уларнинг театр, санъат ва мусиқага қизиқишларини ошириш, ижодкор ёшларни қўллаб-қувватлаш мақсадида "Мақом ан-самбли", "Вокал ва эстрада ансамбли", "Та-лабалар театр студияси", "Қўғирчоқ театри", "Мақом караоке студияси" ташкил этилди. Бундан ташқари, "Дуторчи қизлар" мақом ансамбли, "Ўзбегим ансамбли", "Адабиётшу-нослик клуби", "Тафаккур" кувноқлар ва зук-колар жамоаси фаолият олиб бормоқдаки, уларда талабаларимиз ўзлари қизиққан ада-биёт, санъат турлари сеҳридан баҳраманд бўлишмоқда.

Шуни фахр билан айтишимиз мумкинки, институтимизнинг спортсевар ёшлари халқаро ва республика миқёсида ўтказила-ётган спорт мусобақаларида жуда муваф-фақиятли иштирок этмоқда. Институтимиз-нинг 5 нафар талабаси турли спорт турлари бўйича жаҳон чемпионатларида фаол ишти-рок этиб, фахрли ўринларни кўлга киритди.

Хусусан, Тожикистоннинг Хужанд шаҳри мезонлигида 2003-2005 йилларда туғил-ганлар ўртасида ўтказилган белбоғли кураш

"Street vork out" ва шахмат турлари бўйича 2 та олтин медалини кўлга киритдилар.

Талабаларимизнинг бу ютуқларида, ал-батта, профессор-ўқитувчиларимизнинг ало-ҳида ўрни, хизмати бор. Бугунги кунда ин-ститутда фаолият кўрсатаётган 15 та ка-федранинг асосий штатида 255 нафар профессор-ўқитувчи фаолият кўрсатади. Улардан 11 нафари фан доктори (DSc) ва 53 нафари фалсафа доктори (PhD) ва до-цент илмий унвонига эга. 2023 йилда инсти-



пендиясига тасвирий санъат ва муҳандис-лик графикаси йўналиши 3-босқич талабаси Олтин Олҳамова, Ислам Каримов номи давлат стипендиясига биология йўналиши 3-босқич талабаси Мадинахон Абдухали-лова, Навоий номи давлат стипендиясига мусиқа таълим йўналиши 3-босқич тала-баси Дилҳавас Рустамжонова ва ўзбек тили ва адабиёти йўналиши 3-босқич талабаси Мубинабону Уринбоева, шунингдек, рес-публикаимизда янги жорий этилган Бобур номи давлат стипендиясига география ва иқтисодий билим асослари таълим йўна-лиши 3-босқич талабаси Шаҳризода Холиқ-бердиева, Пахлавон Маҳмуд номи давлат стипендиясига жисмоний маданият таълим

ларига асос бўлади. Энди уларни ҳар қан-дай мажбурий меҳнатдан ҳимоя қилувчи Қонун бор!

Биз ишонимизки, шахсан Президентимиз-нинг таълим соҳасига қаратаётган алоҳида эътибори, қўллаб-қувватлашлари билан, илмга чанқоқ, изланувчан, истеъдодли та-лабаларимиз билан Андижон давлат педа-гогика институтининг маънавий-маърифий, ўқув, илмий йўналишларидаги ютуқлари бундан-да самарали, ютуқларга бой бўлади.

Бахтиёр РАСУЛОВ,
Андижон давлат педагогика институти
ректори,
тарих фанлари доктори, профессор.



